

藏園彙書經眼錄

(三)

傅增湘撰

書目題跋叢書

中華書局

書目題跋叢書

藏園群書經眼錄

(三)

子部 傅增湘撰

中華書局

## 藏園羣書經眼錄卷七

### 子 部 一

#### 總 類

**新刊五子全書** 存公孫龍子一卷，子華子三卷，鶡冠子三卷

明刊本，十行二十字，黑口左右雙闌，注文大字提行。字體似閩中慎獨齋本。（壬戌）

**六子書六十二卷** 明許宗魯編

老子四卷 列子八卷 莊子十卷 荀子二十卷 楊子十卷 文中子十卷

明嘉靖六年許宗魯、王鏊刊本，十行二十字，板心下方有“樊川別業”四字。前嘉靖六年許宗魯序，同歲閩中王鏊後序。（丁巳）

**六子書六十卷** 明顧春編

明嘉靖十二年顧春世德堂刊本，八行十七字，注雙行，版心上方有“世德堂刊”四字。目列後：

老子道德經章句二卷題漢河上公撰

南華真經註十卷晉郭象註 唐陸德明音義

冲虛至德真經註八卷晉張湛註

荀子註二十卷唐楊倞註

新纂門目五臣音註揚子法言十卷 晉李軌、唐柳宗元、宋宋咸、吳祕、司馬光撰  
中說註十卷 宋阮逸撰

後有嘉靖庚寅顧春序，蓋其廬墓銅井山所校者。卷尾版心有“陸奎刻”三字。

十□子□□卷 存十子，計十三卷 △一一三六五

明正嘉間刊本，十行十九字，白口，左右雙闌。宋諱玄、殷、敬、貞、徵、完、慎、敦皆闕末筆，爲覆宋本。目列後：

鬻子一卷 華州鄭縣尉逢行珪撰 鄧析子一卷 子華子二卷 鶡冠子二卷  
宋陸佃解 朱學勤、盛昱跋 公孫龍子一卷 尹文子一卷 鬼谷子一卷  
關尹子一卷 亢倉子一卷 小荀子一卷。（余藏。）

忠謨謹按：此書有跋，收入藏園羣書題記三集卷三。

先秦諸子合編十六種三十五卷 明馮夢禎編 △二五二八

明萬曆三十年壬寅繇眇閣刊本，十行二十字，板心下方有“繇眇閣”三字，目列後：

儒家：晏子八卷 孔叢子三卷 子華子二卷  
道家：鬻子一卷 關尹子一卷 文子二卷 亢倉子一卷 鶡冠子二卷  
素書一卷  
法家：商子五卷 慎子一卷  
名家：鄧析子一卷 尹文子一卷 公孫龍子一卷 鬼谷子一卷  
墨家：墨子四卷

序錄後：

首葉四行缺“……莊荀管韓呂覽最著。若晏嬰、孔叢、關尹、鶡冠、商鞅、墨翟、鬼谷之倫，其文詞不無少遜，故讀之者少，其書刻亦散出州郡，學者罕得遍讀。曩監刻子彙，文多節略，於是吳中合編出焉。書十六種，出漢志者十二，出隋唐宋志者四。歷歲千百，數經亂離，妄庸者各以意見增損，故瑤珉雜糅，未可致詰，合而存之是

也。嘗論之自七雄分爭，天下奇袞之士竝以術顯諸侯，因自述以見志，卽盡屬偏頗，純白未備，然不外名法道德爲藩籬，要之不盡詭于大道，令得遊孔氏之堂，聆取材之訓，得明主而爲之輔，則諸子者皆卿材也。百世之後夫誰以異端斥之，謂爲大道之蠹耶！則余所重慨於諸子者也。況乎經殘教弛之日，政衰刑亂之餘，得士如晏嬰商鞅者善任之，揣其機宜，時其張弛，則以懲奢淫而飭禮教，振積衰而爲富強，不必遠慕殷周之盛，天下國家亦可均已。余故謂諸子之言皆所以載道，惜乎後人弗能知也。諸子之術皆足以致用，惜乎後人弗能用也。讀合編者尚其有經世之思哉！ 萬曆壬寅八月望後。”

序後錄漢書藝文志及文心雕龍諸子一篇。

按：此卽世所傳緜眇閣子書也，余求之二十年不可得，卽殘篇散帙亦未經目覩，蓋傳世之稀如此。己未六月游金閩，晤葉郎園同年，謂家有數種，瀕行遂以晏子春秋一冊相贈，余因是始得識是書面目。翌日至上海，宿李紫東書樓中，檢取明刻書十數種，已捆載將行，因待陶蘭泉湘不至，乃登陟几案，流觀架閣，搜得此書，驚喜過望，詢其值須四十元，遂如值收之。紫東爲余收書十餘年，不知余之求此，僅視爲尋常明刻叢書等，故不以告余，其評價亦出子彙、中都、吳瑄、程榮之下，豈知其罕秘乃如此哉！設非冥索窮搜，幾于當面錯過矣。書爲黃壽收自江北，蟲傷頗重，文字，亢倉子、公孫龍缺蝕甚多，當訪友人中有藏此本者補完之。己未六月廿四日揚州旅次記 沅叔。

晏子、孔叢子、鬻子、關尹子、文子、商子、慎子、墨子有余有丁丑夏日記及間有李茹更記，疑采自子彙跋語。亢倉子有潛庵丁丑夏日記，是知潛庵卽有丁別號也。陸存齋心源爲潛庵事參考各書，豈知俯拾卽是耶。

先秦諸子合編十六種三十五卷 明馮夢禎編

明萬曆三十年縣眇閣刊本。與余所藏同，惟多天啟元年施全昌序，爲余本所無也。

### 批選子集 存前集

明寫本。前有千秋堂主人祁承燦概論七則。經朱筆批點。

存目列後，凡十一家：老子 列子 文子 墨子 莊子 管子 晏子  
子華子 鄧析子 鬼谷子 孫武子。（癸丑）

### 小十三經四冊

明嘉靖刊本，十行十八字，白口，左右雙闌，版心上方有“祇洹館”三字。書名列後：

忠經一卷 馬融撰 鄭玄注。前有融自序，顧玄緯後序，言今秘閣書目子雜載馬融忠經一冊，楊文貞署其尾，謂蜀有版，得之德讓云云。又太原王安國後序。

女孝經一卷 前有唐朝散郎陳邈妻鄭氏上書表。書凡十八章。

佛說四十二章經題後漢迦葉摩騰竺法蘭同譯 鄧郊風山蘭若嗣祖沙門守遂注。

通占大象曆星經二卷 卷上首題原文缺一章。

黃帝宅經二卷。

黃帝授三子玄女經一卷 後有伯子跋行書五行。

青烏先生葬經一卷題大金丞相兀欽仄注。後有羅浮外史跋五行。

墨經一卷題晁氏後有勾吳人顧玄緯跋十行。又有“辛亥九月付梓”一行。

風后握奇經一卷題漢平津侯丞相公孫弘解。後有說劍齋豪士題二行。

耒耜經一卷唐陸龜蒙撰。末有跋二行，亦顧氏筆。

九經二卷 前有序，不署姓名，題“龍集壬午孟春上浣書于寧志齋之西軒”。後有顧起經跋，言爲元季人所述也。序後有“嘉靖壬戌日南至梨于幽石清漣山院”一行。

五木經一卷唐李翱撰 元革注。後有庚申夏至羅浮外史題。末有二行

木記如下式：

“嘉熙二年夏仲臨

安李氏書肆重雕”

胎息經一卷幻真先生註末有羅浮外史跋。

收藏鈐有“瑞軒”、“獨山莫氏銅井文房之印”、“莫棠楚生父印”朱文三印。(庚午)

## 儒家類

### 孔子家語注十卷 題魏王肅撰

宋蜀大字本，九行十七字。蕭孚敬舊藏，後歸劉世珩氏，余曾見之。今已影刻行世。戊午秋劉氏携之行篋，在浦口客邸被燬，世間此書遂無宋本，深可痛惜。然恐是南宋翻蜀本耳。

### 孔子家語注十卷 題魏王肅撰

明嘉靖三十三年黃魯曾刊本，九行十六字。前有王氏序。末有“歲甲寅端陽望吳時用書，黃周賢、金賢刻”一行。(余藏。)

### 孔子家語注十卷 題魏王肅撰

明刊本，九行二十字。序題“漢集家語”。(乙卯)

### 孔子家語注十卷 題魏王肅撰

仿宋刊本，九行十七字，注雙行二十四五六字不等，白口，左右雙闌，中版式。貞、慎、讓、桓、樹、殷、玄皆缺末筆。

此書徐敬宜新收，余乍視之頗疑爲宋刊，及細玩之，則字體板滯，但具結構而略無神氣，刀法亦乏峻峭之勢，必爲近數十年內依宋本重翻，而用舊紙摹印，以故示狡獪，訛惑後人也。此書敬宜以二百金得之。頃自上海書肆購得一本，與此正同，乃知爲光緒壬辰上海埭葉山房照宋本縮印翻刻者，其直一金耳！癸酉二月廿五日記。

### 新編孔子家語句解十卷

△八一三七

元至正二十七年劉祥卿刊本，十行十九字，黑口，單闌，闌上加格注標題，次行題“并依王肅注義詳爲句解”。卷五後有牌子，文曰：

“清泉劉祥卿家

丁未春新刊行”

鈐有：“孔子七十一世孔□□□□□章”。（癸未）

### 孔子集語二卷 宋薛據輯

清乾隆二年丁巳七十世嗣孫衍聖公孔廣榮校刊本，九行十八字。題“宋迪功郎浙東提舉司稽山書院山長永嘉薛據叔容纂輯”，“皇清光祿大夫襲封衍聖公七十代孫闕里孔廣榮京立校刊”。前有乾隆二年丁巳廣榮序，言檢得宋本，爰加校讐，亟登梨棗云。（乙亥八月）

### 荀子二十卷

△二五三六

明黃之寀刊本。葉奕手校并手抄篇目及劉向校書上言。篇目首行題“荀卿新書十二卷”。

有葉奕識語及葉樹廉跋，錄後：

“乙酉年取摹印宋刻本校畢。”卷二後

“荀子第三第四卷從孫氏北宋本勘過本文一次。甲申十七年五月八日 林宗”卷四後

“卷一、差落凡三十三字。”朱筆

“卷二、差落三十七字。”朱筆

“卷三、差落倒顛共八十六字。”

“卷四、此卷衍脫差改四十六字。”

“卷五、差落衍字計二十五枚，六月七日午刻。”

“卷六、此卷差落三十字。”

“卷七、差落五十二字，六月七日未刻勘閱。 林宗”

“卷八、差落共三十七字，六月八日辰刻。”

“卷九、衍落差訛二十一字。”



“卷十、脫誤十九字。”

“卷十一、差落九十三字。”朱筆

“卷十二、差落五十一字。卷十一、十二初十日修兒校過。十一日晨覆校又改正廿一字。”朱筆

“卷十四、十三卷禮論、十四卷樂論首二葉宋板缺，禮論中間更缺二葉，以故勘之未詳。”

“卷十五、十一日申刻勘畢。”朱筆

“卷十六、差落二十三字。”朱筆

“卷十七、差落二十一字。”朱筆

“卷十八、差落二十字。”朱筆

“卷十九、差落三十一字。”朱筆

“卷二十、差落四十五字。”朱筆

“共改正七百七十字。”墨筆

“十七年六月十六日午刻勘完首二卷原刻未刻故輟讀。”朱筆

“癸巳之秋，從東門歸，偶於書鋪得此書，用二百文。此書昔為林宗兄校勘，正屬家運全盛，不知有今日之寥落，而此書又不知何人取去，轉落於坊中也，聚書之興從此不無增慨。取歸窗下泛讀，因記於後。 南陽石君”

“曾見宋刻本，大字端楷，刻畫精緻，此本從而校正。”

“寶硯老人藏本。”朱筆

鈐有“葉萬石君”、“樸學齋”、及璜川吳氏收藏圖書各印。（余藏。）

## 荀子二十卷

明芸窗書院刊本，十行二十字，白文無注，版心上方有“芸窗書院刊”五字。（余藏。）

## 荀子二十卷

明嘉靖六年許宗魯王鑿樊川別業刊本，十行二十字，白文無注。（李

紫東自杭州寄來。)

### 荀子註二十卷 唐楊倞撰

宋刊本，半葉十行，行十八字。有徐乾學、黃丕烈諸印。(海源閣書，丁卯十月廿九日見於天津，索四千五百元。)

### 纂圖互註荀子二十卷 唐楊倞注

宋刊本，十一行二十一字，黑口，左右雙闌，左闌外記篇名，注雙行二十五字。鈐有季振宜、朱氏潛采堂、遂初堂、顧竹泉各印。(于右任藏，癸亥十月李紫東送閱。)

### 纂圖互注荀子 唐楊倞撰 存卷一至七，十五至二十，二册

宋刊本，十一行二十一字，注雙行二十五字，黑口，左右雙闌，前有圖二葉。鈐有晉府印及姜氏圖書印。(寶應劉翰臣藏書。庚申)

忠謨謹按：此書有跋，收入藏園羣書題記三集卷三。

### 纂圖分門類題注荀子二十卷 唐楊倞註

宋刊本，半葉十行，行十九字，注雙行二十三字，細黑口，左右雙闌，魚尾下記書名荀子幾、荀幾，左闌外記篇名。卷一標題後隔一行題“關中劉旦校正”，次行題“大理評事楊倞注”。首有楊、劉二氏序。此書張菊生前輩新得於滬上，馳書見告。己卯九月十六日記。

### 音點大字荀子句解二十卷 宋龔士高撰 存卷一至十 △八六八四

宋刊本，半葉十行，行二十字，黑口單闌，版心上方有音釋，本字大，音字小。每句加注，句有坐點，字音於字旁加小圈，廟諱加圓圈以別之。

前有景定改元蒲節前三日石廬龔士高序，草書甚精。序後有鐘式木記龔氏，又子質、石廬父方木記。有季滄葦藏印。

按：是書刊工最精，紙墨均佳，乃初印本也。(壬子)

### 孔叢子注七卷 宋宋咸撰

明刊本，八行十四字。卷首有嘉祐三年宋咸進書表及自序。

按：此書號稱宋本，盛昱遺書，鄧孝先邦述獲之景賢手。(癸丑)

**孔叢子七卷釋文一卷** 題漢孔鮒撰

明刊本，八行十七字，白口雙闌，大版心，似萬曆刊本。棉紙，藍綾封面，乃明時原裝。前有宋咸進書表，又序。後附釋文，又淳熙戊申濡須王藺序。（癸丑）

**新語上下卷** 漢陸賈撰

明刊巾箱本，高六寸二分，寬四寸四分，十行二十字，白口，左右雙闌。次行題“漢太中大夫陸賈撰”。版式古雅，致可愛玩。（海虞瞿氏藏書。癸酉）

**新語二卷** 漢陸賈撰 存下卷

明弘治十五年李廷梧刊本，十行十七字，細黑口，左右雙闌。軟體字，精美異常，少見。是明天啟朱謀臧刊本之祖本。（涵芬樓藏。丁巳）

**新語二卷** 漢陸賈撰

明天啟元年翻弘治十五年李廷梧刊本，題：“漢陸賈撰”，“明陸即登編”，“明朱謀臧閱”。十行十七字。目後有牌子，文曰：

“南州補  
堂藏板”

有天啟元年南州朱謀臧序，又弘治壬戌翰林國史修撰華亭錢福序，言桐鄉令李廷梧所梓。弘治壬戌吳郡都穆後序。（莫楚生藏書。乙卯）

**新書十卷** 題漢長沙太傅賈誼撰

明刊本，八行十八字，黑口，四周雙闌。有淳熙辛丑日南至門生從事郎充潭州州學教授南昌胡价後序，稱提學漕使給事程公暫攝潭事，取櫝中所藏新書刻之學宮云云。（涵芬樓藏書。己未）

**新書十卷** 漢賈誼撰

明正德陸相刊本，十行十八字，字大行疏，頗有古拙之致。前有黃寶序。（獨山莫棠楚生藏書。）

**賈誼新書十卷** 漢賈誼撰

明正德嘉靖間刊本，十行二十字，白口，左右雙闌。

鈐有“知十印”、“馮氏藏本”、“容齋”各印。（己未見。）

### 賈誼新書三卷

明刊本，十行二十一字，黑口，四周雙闌，似正嘉間建本。凡五十五篇，內缺問孝退讓禮容語上三篇。（戊辰）

### 賈太傅新書訂註十卷 明何孟春註

明正德刊本，十行二十字。前有正德十五年南園老人張志淳序。（余藏。）

### 鹽鐵論十卷 漢桓寬撰

明弘治十四年涂楨刊本，十行二十字，白口雙闌。收藏鈐有“王元章”、“張達善印”、“季振宜藏書”、“滄葦”各印，均朱文。（故宮藏書。）

### 鹽鐵論十卷 漢桓寬撰

明弘治十四年涂楨刊本，十行二十字，白口，左右雙闌。

鈐有“光四堂藏”、“鄭西冉閱”、“志雅齋”、“雲輪閣”各印。（余藏。）

忠謨謹按：此書有跋，收入雙鑑樓藏書續記卷上。

### 鹽鐵論十卷 漢桓寬撰

△二一四九

明刊本，十行二十字，白口，左右雙闌。首卷第三行題“明倪邦彥校”。前有涂楨序，次有嘉靖三十年辛亥上海倪邦彥重校序，言涂江陰鋟者雕虎是執而亥豕多訛，邦彥翻校覆輯云云。

### 鹽鐵論十卷 漢桓寬撰

明嘉靖刊本，九行十八字。前有弘治十四年都穆序。

按：此嘉靖刻本，葉奂彬德輝乃據前都穆序強指為即弘治涂楨本，且以之印入四部叢刊，余爭之不得，惋歎而已。其真涂本在江陰繆氏，與此決不同。（余藏。）

### 鹽鐵論十卷 漢桓寬撰

△一一三一八

明萬曆十四年張袞太玄書室刊本，九行二十字，白口，單闌，版心上

魚尾上有“太玄書室”四字。首卷題“張袞校”，“黃金色訂正”二行。

前有萬曆十四年首冬望日，武林太玄逸史張袞序。封面題“張氏星聚堂梓”橫書，“微郡新陽黃先生同校于祠部官舍”左右二行，書籤題：“新刊校正官板鹽鐵論。”卷尾有涂楨新刊鹽鐵論叙，叙後有“萬曆十四年歲在丙戌十月望日星聚堂張氏重梓”一行。

余曾見黃堯翁校本，盛稱太玄書室本之佳，然其刊本乃殊罕觀。前年與郭侗伯太史談及，適藏有是刻，乃假來一讀，因取明季沈挺本手勘一過，其文字往往有視涂本為佳者，第郭藏本失去前後序跋，封面籤題即張袞校一行亦失去，遂不能考年代及刻書人名，于是遂有僞為正嘉間本者。今于蟠青書室獲觀此冊，首尾完具，乃知為武林張氏星聚堂太玄書室所刊，書目中所據以補入，積年疑慮一旦渙然冰解，殊足喜也。 沅叔附記。壬申十月二十二日。

### 鹽鐵論十卷 漢桓寬撰

影寫錫山華氏活字本，九行每行分兩行十七字。顧千里廣圻手校，蓋即為張古餘敦仁刊刻考證之底本也。卷中太玄書室本以朱筆校，櫻寧齋鈔本以墨筆校。（海虞羅氏藏書。癸酉）

### 鹽鐵論註十二卷 明張之象註

明嘉靖三十二年張氏猗蘭堂刊本，九行十七字，註雙行。 前有嘉靖癸丑張之象序。

### 鹽鐵論注十二卷 漢桓寬撰 明張之象注

清王謨刊漢魏叢書本。王昶手校。不言所據何本，有涂作某、大典作某、通典作某者，大抵雜考他書也。（李木齋先生遺書，辛巳十一月借校。）

忠謨謹按：此書有跋，收入藏園羣書題記三集卷三。

### 劉氏二書三十卷 劉向說苑二十卷 劉向新序十卷 漢劉向撰

明刊本，十一行十八字。 有嘉靖己未山西監察御史楊美益序，山西布政左參議彭範後序，言檄汾守張朝憲、同知黃辰刊二書於汾，俾

舉子誦習。又孔天胤序。

**新序十卷** 漢劉向撰

△八一三八

宋刊本，中版心，半葉十一行，行二十字，白口，左右雙闌，版心下記刊工姓名。字體方嚴，爲南宋初杭本正宗，與余藏樂府詩集極相類。有錢謙益跋，黃丕烈三跋，又金錫爵一跋，詳楹書隅錄中，不贅。鈐有明華亭朱氏及清錢、季、徐、黃諸家印記。（海源閣書，丁卯十月廿九日見於天津，索五千五百元。）

**新序十卷** 漢劉向撰

△五四三四

明刊本，十一行十八字，黑口，四周雙闌。

黃丕烈乙卯閏月借顧廣圻傳錄何焯校宋本臨寫一過，何氏用陽山顧大有家藏宋本也。嘉慶庚午又以顧氏宋本續校。嘉慶己未孫星衍借校，有跋二行，不詳記。黃氏卷前跋二則，卷尾跋三則，均見楹書隅錄，不復抄。據黃氏跋，知先以家藏宋本校過，卽錢謙益所跋者，後以陽山顧氏所藏宋本覆校，是此書凡三校矣。宋本二十二行，行二十字，校筆先用藍色，三卷以後改墨色，覆校用朱色。卷三後有跋一則，爲楹書隅錄所遺，錄如後：

“乙卯四月十四日，書船友鄭輔義携宋本新序首冊來，留閱信宿，校此三卷，與何校本似有微異處，未知何所據之宋本云何也。開卷第二行曾鞏地與姓名一行何校未及增入，所正字尚有爲何校所軼及兩殊者，悉照宋本改定。惜其需直太昂，難以得之，不得窺厥全豹爲恨恨耳。第一卷末有東澗跋四行，與有學集所載合，“可也”“可”字乃爲“此”字之誤。跋後有牧翁澗方印，錢謙益印方印，筆墨古雅，圖章宛然，令人愛不忍釋。惜錢之癖與惜書之癖交戰於中而不能決，奈何奈何！ 蕘圃望日燈下記。”

鈐有“濟美堂”、“嘉興李聘”、“黃錫蕃印”、“孫氏伯淵”、“公佐”、“芭蕘”諸印，又楊氏宋存書室各印。

此書自海源閣被盜劫出，邢贊庭之囊先得首冊，不及百元，嗣下冊出，估客居奇，竟以四百元合之，可謂厚價矣。沅叔記。甲戌二月七日。

### 新序十卷

漢劉向撰

△六八一六

明刊本。蔣杲臨何焯校本，有跋錄後：

“康熙庚寅借義門師校正本對勘。師本乃從鵝橋巷李氏借得陽山顧大有舊藏宋槧本校定也。七月八日，杲記”

“康熙丁酉六月得傳是樓宋本，錄牧翁題識，復攷定十餘字 杲又記。”（辛未二月）

### 說苑二十卷

漢劉向撰

宋刊本，半葉十一行，行二十字，白口，左右雙闌。字體方嚴與新序相近。（海源閣書，丁卯十月廿九日見于天津，索六千元。）

### 說苑二十卷

漢劉向撰 卷八至十三卷鈔配，凡鈔六卷

△三八八五

宋刊本，九行十八字，黑口，左右雙闌。版心下注字數及人名，補版殆有半數。末卷有校官銜名三行：

“鄉貢進士直學胡達之際校 迪功郎改差充鎮江府府學教授徐沂 咸淳乙丑九月迪功郎特差充鎮江府府學教授李士樞命工重刊。”

此書舊為顧之逵所藏，後歸黃丕烈。有顧廣圻手跋八行，為嘉慶丁巳。黃氏跋四則：一為嘉慶二年五月，一為道光紀元三月，又同年六月，一為道光癸未。（翁克齋藏書，辛未四月二十五日見。）

### 說苑二十卷

漢劉向撰

存卷十一至十九，又卷二十首葉，計九卷又一葉

李□一〇

宋元間刊本，半葉十一行，行二十字，白口，左右雙闌。

按：此書余甲寅歲代李木齋先生所收，蝶裝巨冊，微有損泐，望而知為內閣大庫之書，紙背鈐有國子監崇文閣官書大印。其後頻年假校

而不可得，今歲先生遺書歸北京大學圖書館，乃從典掌者假歸，以程榮漢魏叢書本校之。程本余前取宋咸淳本校之，所校正之字二本往往相合，然此本有而咸淳本無者，亦所在多有。余別有跋詳之，此不贅。余詳繹此本，雖字體方整，行款與海源閣藏宋本合，然氣息孱薄，宋諱不避，疑為宋末元初覆刻之本。至木齋先生定為北宋刻，則非末學所敢知矣。

忠謨謹按：此跋收入藏園羣書題記三集卷三。

**說苑二十卷** 漢劉向撰 存卷十六至二十，凡五卷

宋元間刊本，半葉十一行，行二十字，白口，左右雙闌，版心下記刊工姓名。鈐有晉府書畫之印。

按：此與前年代李木齋先生所購者同。（乙卯）

**校正劉向說苑二十卷** 漢劉向撰

元刊本，十一行二十字，白口，左右雙闌。

按：此本字迹結體方整，而筆意圓渾，似元翻宋刻，俟再考之。

檢取末冊，有元人跋五行，錄於左方，據此則元刊無疑矣。

“憲使牧菴先生暇日出示劉向說苑，有益後學，俾□之梓，以壽其傳，誠盛事也。大德癸卯冬十月朔，文學掾河南後學雲謙敬書”

（辛未二月）

**說苑二十卷** 漢劉向撰 存卷十一至二十

△八一四〇

明刊本，十行二十字，大黑口，四周雙闌，大版心。書名標題大字占雙行。卷末有壬午夏六月餘姚錢古訓誌十五行，考為建文四年刊本。

末葉附記“清漳刊工林香□ 歐陽□。”下字不可辨。（癸未見，徐森玉藏。）

**劉向說苑二十卷** 漢劉向撰

明永樂十四年西園精舍刊本，十三行二十四字，黑口，四周雙闌，書名大字占雙行。目錄後有牌子，如下：



“永樂丙申孟春

西園精舍新刊”

按：余昔年爲李木齋先生收得洪武本，其行款正與此同，必同出一源也。（日本內藤虎博士藏書，己巳十月二十八日閱。）

### 劉向說苑二十卷 漢劉向撰

明初黑口本，十一行十八字，黑口，四周雙闌。前曾鞏校書序，序後接目，目後劉向校書序。（余藏。）

### 劉向說苑二十卷 漢劉向撰 存卷十一至二十

明刊本，九行十九字，黑口，四周雙闌。書名大字占雙行。二十卷尾有“清漳刊匠林志□歐志□”兩行。（北京圖書館藏書，戊午見。）

### 劉向說苑二十卷 漢劉向撰

明刊本，似正德時刊，十行十九字，大黑口，四周雙闌。前曾鞏序，序後接總目，標題大字占雙行。

明時別有藩府本，書名亦占雙行，第版式視此濶大耳。

鈐有“鄭氏注韓居珍藏記”白、“鄭炎之印”白、“龍□陳氏珍藏”等印。（徐梧生遺書。丙寅）

### 說苑二十卷 漢劉向撰 缺卷十四

明刊本，九行十八字，大黑口，左右雙闌。卷末有刻書人銜名三行：

“鄉貢進士直學胡達之眎役 迪功郎改差充鎮江府府學教授徐沂  
咸淳乙丑九月迪功郎特差充鎮江府府學教授李士忱命書。”

有黃丕烈跋，不錄。又仁和孫志祖跋。吳騫跋錄後：

“甲辰春，偕丁小正學博過頤谷侍御齋，予以宋板說苑眎侍御，旋爲余作跋，屈指今十載矣。癸丑夏復展閱此書，并錄其跋於卷。”

“此書爲吾鄉陳茂才以岡舊藏，予用善價購之。兒壽照甚愛之，丁未春計偕入都，携之行笈，舟車往返未嘗暫離。不意旋染目眚，廢書者四五年。展閱此書，慨焉寤歎。”